



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-377-6/23

Datum: 30.05.2024. god.

«Agencija za vodno područje rijeke Save» Sarajevo rješavajući zahtjev podnesen od strane pravnog lica „CONTENDO“ d.o.o. Sarajevo, za donošenje Rješenja o vodnoj dozvoli za ispuštanje tehnoloških otpadnih voda sa lokacije proizvodno-skladišnog objekta za proizvodnju i skladištenje sokova od voća i povrća, izgrađenog u naselju Korča, Tarčin, općina Hadžići, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22)

donosi

ZAKLJUČAK

Odbacuje se zahtjev podnesen od strane pravnog lica „CONTENDO“ d.o.o. Sarajevo, za donošenje Rješenja o vodnoj dozvoli za ispuštanje tehnoloških otpadnih voda sa lokacije proizvodno-skladišnog objekta za proizvodnju i skladištenje sokova od voća i povrća, izgrađenog u naselju Korča, Tarčin, općina Hadžići, na zemljištu označenom kao k.č. broj 1537/2, 1537/1, 1536/1 i 1536/2 K.O. Duranovići, zbog nepostupanja po obavještenju broj: UP-1/21-3-40-377-4/23 od 20.09.2023. godine, odnosno okončanja izgradnje objekta za tretman tehnoloških otpadnih voda i smatra se da nije ni podnesen.

Obrazloženje

Pravno lice „CONTENDO“ d.o.o. Sarajevo podnijelo je zahtjev ovoj Agenciji za donošenje rješenja o vodnoj dozvoli za ispuštanje otpadnih voda sa lokacije proizvodno-skladišnog objekta za proizvodnju i skladištenje sokova od voća i povrća, izgrađenog u naselju Korča, Tarčin, općina Hadžići, na zemljištu označenom kao k.č. broj 1537/2, 1537/1, 1536/1 i 1536/2 K.O. Duranovići.

Uz zahtjev je dostavljena slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu o upisu subjekta upisa «CONTENDO» d.o.o. Sarajevo, broj: 065-0-Reg-23-000004 od 06.02.2023. godine, izdatog od strane Općinskog suda u Sarajevu;
- Ovjerena kopija Uvjerenja o poreznoj registraciji, izdatog od strane Porezne uprave Federacije BiH – Kantonalni porezni ured Sarajevo dana 06.07.2017. godine;
- Ovjerena kopija rješenja o odobrenju za izgradnju poslovnog objekta, donesenog od strane Službe za prostorno uređenje, urbanizam i građenje nekretnina Općine Hadžići, broj: 07-23-3-3693/2019 od 19.11.2019. godine;
- Kopija Rješenja o upotrebnoj dozvoli donesenog od strane Službe za prostorno uređenje, urbanizam i građenje nekretnina Općine Hadžići, broj: 07-23-4-3890/2019 od 31.12.2019. godine;
- Kopija Rješenja o vodnoj saglasnosti broj: UP-I/25-2-40-439-2/21 izdatog od strane Agencije za vodno područje rijeke Save 27.09.2021. godine;
- Izvještaj o monitoringu kvaliteta i kvantiteta otpadnih voda pogona „CONTENDO“ d.o.o. Sarajevo, Tarčin, urađen od strane „TQM“ d.o.o. Lukavac, novembar 2022. godine;
- Operativni plan u slučaju incidentnih zagađenja, urađen od strane „TQM“ d.o.o. Lukavac, novembar 2022. godine;

- Glavni projekat vodovoda i kanalizacije – Fabrika zdrave hrane Korča - Tarčin, urađen od strane „HP Hidro Projekt“ d.o.o. Sarajevo, juli 2019.;
- Dokaz o uplaćenju upravnoj pristojbiv.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 11.09.2023. godine izvršen pregled predmetnih objekata, o čemu je sačinjen Zapisnik o uviđaju broj: UP-1/21-3-40-377-2/23.

Nakon izvršenog uvida u dostavljeni zahtjev i priloženu dokumentaciju i obavljenog uviđaja na predmetnoj lokaciji, utvrđeno je da podnosilac zahtjeva nije postupio po uslovima datim Rješenjem o VS donesenom od strane ove Agencije, broj: UP-I/25-2-40-439-2/21 dana 27.09.2021. godine, odnosno nije izvršena izgradnja uređaja za tretman tehnoloških otpadnih voda – taložnika i okna za monitoring prečišćenih voda.

Zaključkom broj: UP-1/21-3-40-377-4/23 od 20.09.2023. godine postupak donošenja Rješenja o VD je prekinut, dok se ne riješi prethodno pitanje, odnosno do okončanja izgradnje objekta za tretman tehnoloških otpadnih voda – taložnika adekvatne zapremine i izrade projektne dokumentacije – Projekat izvedenog stanja. Rok za realizaciju navedenih aktivnosti je bio 4 mjeseca od dana pravosnažnosti navedenog Zaključka.


Kako podnosilac zahtjeva nije postupio po navedenom Zaključku, niti obavjestio Agenciju o razlozima nepostupanja po navedenom do dana donošenja ovog Zaključka, to je u skladu sa odredbama člana 121. stav (3) Zakona o vodama i člana 218. stav (2) Zakona o upravnom postupku, riješeno kao u dispozitivu ovog zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.



Dostaviti:

- „CONTENDO“ d.o.o. Sarajevo, Igmanska bb, 71320 Vogošća
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava